

連江縣志

卷七
人物藝文

310.23
35
7



文苑

唐

王魯復字夢周大歷間獻詩得從事邕府魯復自高其才嘗謁皇甫湜久未獲見移書責之曰韓退之接賢樂善孳孳不倦公師其文安可不師其道乎自此當携酒吊退之墓不及門矣湜爲慙謝嘗草衣騎牛王涯李固言皆賞識之在京師聞臺省有疑獄白時相願往鞠焉其清狂如此張瑩字昭文生鳳凰楸山中時邑未與科第發憤力學期必自奮嘗咏一箭中鵠詩以示志著有月宮賦四靈賦詞

連江縣志

卷之七

人物 文苑

一

皆高麗人爭傳誦應大順元年進士仕至禮部尙書

宋

黃鼈嘉賢里人六歲能詩運思敏捷有設對者應對無不中的縣尉劉立之奇之聞於郡得詣闕就試遂應大中祥符八年童子科賜進士出身

林撫字季謙號芹齋松溪令頴之子也紹興庚辰進士初試館職遷禮部郎中出知瑞州漳州入爲太常少卿轉司勳朝請大夫主管建昌軍仙都觀賜緋魚袋所至俱有政聲善訓迪多所成就尤工詩名山勝景題咏殆遍子直之



蔭將仕郎

陳德一字長明號橫舟書隱舜申長子少穎異貫通經史侍宦巴東時以詞賦魁湖北漕明年成進士試中教官分教京口及溫陵宗判皆以六經宗旨口授宰建德梓所爲易傳發微一書以教人嘉定間爲清漳郡丞擢宜陽守皆以廉慈著卒之日家無長物惟鋟成梨棗數千而已

李琪字孟開彌遜孫慶元間以上舍釋褐初召館職精胡氏春秋之學著有春秋王霸世紀官至祭酒

明

連江縣志

卷之七

人物 文苑

二

趙璉字維清永樂庚子鄉薦任程鄉訓導經明行修教誨不倦諸生以文質者能別其窮達十不爽一士皆宗之翁賓字文興以鄉薦第一爲束鹿訓導學純行潔訓迪多士雖著述不少概見而一時奉爲模楷

孫文銓字公衡文錫從弟爲諸生時負盛名倭亂海上請纓自效與同邑陳第相友善老不得志因放跡山水間以自適吳文華嘗寄詩云年來七十面如童海上看雲臥起同匣裡陰符知撒久祇今惟有白鷗通嘉隆間言詩者以瑯琊歷下爲宗文銓獨不受牢籠自成家數所存海濱集

二卷識者以為正法眼藏云

文銓郭婆山思母詩岐路向
餘縫密線出門猶憶裂長裾

側身天地將雙淚忍負機前教子書蓋文
銓母早寡其至性流露亦復藹然可挹云

陳址字道從別號鷺江幼失怙恃從兄坦學於官舍嘉靖

庚子登鄉薦讀書雲居山中八年方出謁選得臨高令新

覺宮建塔橋臨高文學大興臨俗婚姻多寒盟著正始編

以示之自是無婚訟又裁冗役捐常例以善政聞當道累

薦轉嘉定州知州適奉公赴郡沒於瓊州士民思之與胡

澹菴並祀額曰二賢址好著述尤工詩所遺春草集多可

誦晚泊姑蘇云閭闔有情還夜月虎邱無主尙秋花過梅
嶺云樹封倒影陽谷日山光遙接洞庭天餘干舟中云

連江縣志

卷之七

人物 文苑

三

兩岸暮烟橫野澗滿山秋葉傍舟多過洪都云野接匡廬
通地脉湖開彭蠡散江流秋日鵝湖云歲月無情爭鳥疾
風塵何意共雲浮
皆近中唐風調

國朝

陳志遴字成之址之孫也少為諸生意氣巍岸多與時違

明季以才名徵不赴人或勸之答曰仕非吾志也况非其

時乎及國變築室白鶴山中教授生徒旋以調移居西村

家貧常至兩三日不得食歌詠自如白沙何其偉每分米

餉之所著詩文甚富多棄不留曰安用此為哉少有存者

歿後其偉極力搜索得詩百餘首以授陳元鍾元鍾為梓

於金陵志遴爲詩雅澹清遠耐人咨賞然微元鍾而志遴

幾不傳

樓居云近始理幽事一樓幻有餘月當松嶺缺雲
補竹林疎對火刪詩草聞人讀道書偶然成記憶

新雨種芙蓉葉穀日云雲去山初麗渡頭新水生村醪邀穀
日社鼓疊春聲醉卧耕雲懶間行杖竹輕應門須稚子垂
老怕逢迎寓何梧子宅上書懷云積雨空林罷著書夢魂
銷鑠已無餘自然古道能相守所以貧交不易疎野水兼
雲流澗澤山禽先霧下階除明朝霽色寒江上欲挈烟波
任所如遊東山菴云古佛經年具典型一燈寒照海門靑
樹羅石屋春巢兩水漲山田夜種星龕磬送聲歸遠岫嶽
雲留影挂孤亭身名未信僧誰是恰得松音兩日聽江行
云樹挂村烟綠花黏水氣紅遊江寺云泉添昨夜雨江楓
去年秋登雲溪山云洞小生寒碧雲深結素香大溪山居
云遊盡山峯人未到悟來潭水月無分山遊采茶云半根
竹杖行香際一衲山雲披帶間江上夜坐云空江正在長
天下明月居
然碧水中

連江縣志

卷之七

人物 文苑

四

陳元鍾字孕采一字孝受第之孫肇復子也天賦奇挺家

世多藏書元鍾盡發而讀之因以詩古文詞自見 國初

爲諸生已而從父宦遊遂棄去所至如楚中湯伊助莊雲

生周學師饒會公蕭季昭僧指密江南潘稼堂汪舟次吳

牛岡郎趙客李木如莊民悅皆倒屣相接所爲詩有前後

川行金陵漫興諸集皆才氣空湧而尤長古風元氣鬱盤

卓犖沈塞雖少陵無加讀書洞貫融釋每談論古今必首

尾該舉會山樓撰著不下數百卷同時何其偉陳元登黃

士舉皆文章老宿於元鍾相顧訕服以爲學識不可及嘗

作塙園丈人傳自叙特詳傳云溫麻城西化龍街北有丈人者有虞氏後世孫胡公之苗裔也生平無他嗜慕獨好讀書嘗取人所不恒讀者讀之然不甚善記憶過則格格如未嘗讀間亦隨諸同學讀舉子業亦不甚摩厲謂爲粗礫無所異卒不能與世競精華心益厭怠之年方壯強從父宦遊歷荆舒巴蜀及吳越鄒魯燕齊之地悅其山川人物志意曠遠遂盡棄其向所讀舉子業而仍讀人所不恒讀久之乃歸而居隱於先世遺廬廬久頽敝外無垣內不能蔽大風雨上有樓推窻四望皆山有舊藏書數千卷蠹連江縣志

卷之七

人物 文苑

五

篋中丈人暇則登樓振蠹而讀聲琅琅聞樓外廬之尻有隙地廣可畝許礲與塙相雜人視爲寢邱丈人顧而悅曰地極肖丈人於是字園曰塙蓋紀實也人因是而稱塙園丈人云丈人之園始則有蔬有瓜且有花有果有竹木井而條而四方風至蝶鳥交遊今則草者蔓者棘刺者枝柱交錯並出而與丈人爭厩土丈人老而無如之何日益無事惟取前代騷賦詩古文詞讀之有感觸輒泣下淫淫閒亦作詩賦古文詞見志賦愈於詩詩愈於文文謹嚴如其人嘗念凡名山水各有專志水莫大於海何可獨缺乃博

集海外國島山川人物風俗物產作環海志若干卷又以
閩僻一方前賢佳詩文名不傳因編輯唐宋元明諸名哲
著作若干卷爲吾國風思與中州人爭文字雄又春秋戰
國時諸侯王人士事多錯見難稽於是倣司馬氏義例作
春秋戰國史記若干卷以統攝羣雄默寄一王之意蓋皆
假浩衍宏肆之章以壯其感憤悲激之懷也將束裝就柳
水作訓話先生忽疽發項痛苦潰裂幾斃已幸得甦丈人
曰祖父傳書吾未有託吾爲灌園書未就負秋浦丈人信
霍童高蓋玉華吾家門戶山未遊倘卽擠溝壑天下後世

連江縣志

卷之七

人物 文苑

六

其誰知吾心者中書君吾與交久幸及吾存爲吾傳中書
君曰諾傳成令其友守玄子潤色之而列於守主簿白無
玷之歲贊曰丈人塙其園無亦塙其心者耶不塙於心則
不塙於道矣未必其遂塙於世也乃察其生平固始終一
塙丈人寧園乎哉元鍾死無子妻王氏痛無可傳盡所有
火之靈前灰旋繞不散經兩晝夜

元鍾送薛立軒肩雪督
運古風云西山督戰催

餉急憐君踏雪荒郊立蓬蒿滿地白模糊松柏幾時青出
入天低野曠三岔路攬轡徘徊去住漉馬鞭碎碎玉花落
狐視穆穆鉛水濕堪憐三楚負精夫短衫敝袴雪中集皮
膚凍皴行路難環向運官馬前泣自從喪亂三十年冠盜
征徭死相襲天上聞闔聽周聞雲間臺閣訴何及惟願雪
消寇伏誅三軍散盡人家給時事曲上張大叅云有山河

必有蜀山有水何必有蜀水入蜀山水恐行人中有英雄
從此起當今天子重風雲黃金不惜鑄將軍生逢明聖
不用力高頭駿馬徒肉食兵機緩急各有為破敵安敢不
乘時試看三楚噉噉日調度還須得所宜大司馬廣寧李
公頌云巫山高與雲日同仄磴螺盤一鳥通天設險阨塞
蜀東豺狼穩步行其中擇肥竊起嗥秋風帝為此方屢回
首六花圖出李衛公清野待敵不與戰沿邊固險何其變
縱兵追擊奔雷電生獻猛虎黃金殿長鯨既死鼉歸穴受
降城築楚山凸開雲破霧我公艱難龍岡上凱音還諸將
論功皆賜酒功歸諸將公不有懷遠縣謠云陰風吹鬼竇
琅琅響四應窮簷兒女情夜中泣懸磬自言妾有夫饑餓
委荒磴長男乞為奴長女乞為媵妾是婦人身出門憂贈
燈采得護榆歸為兒成餽會護根帶雪香榆皮賽玉瑩雪
香難再生玉瑩難再剝際此遲遲春那堪塵釜甑昨日剝
皮洋殺客奪車乘今日鳴驢嶺珠玉走無脛燭火燎中原
茹茅塞路徑食祿職斯民皆視閭閻整勿謂婦人淚庶女
叫天聽壁間枯柳枝屈曲成鞞鐙安得踏上天雨粟為婦
贈又讀友人詩道其世守先廬有故園之感次韻詩云數

連江縣志

卷之七

人物 文苑

七

載奔勞莽宕墟故園寥落倦遊廬風塵有客能吹劍霜草
何人肯負鋤海內干戈悲買駿山中蘿薛笑求魚歸時得
就林泉計敢道樊籠事弗如

陳元登字龍淮保安里人居濱海因自號漁村世為儒者

父鶴鳴博學工文著華臺草行世元登少穎異淹貫經史

每能證以心得議論橫發善詩誦古文詞兼精書畫國

初隱居設教後進經其指授多成名士家貧以氣節自持

前後邑令聞其名造廬見之與促膝談文甚相得惟一答

拜而已常與張利民薛鎔何其偉黃士舉為方外交有詩

文數十卷利民鎔序之年七十餘卒於漁村

漁村文集多以議論勝詩

從容於大雅如籬園木槿窺花暝簷障芭蕉受月遲月落
杜鵑峯外響春深笋蕨雨中抽山嵐枕簟雲生膩海雨池
塘水帶鹹數竿修竹隔雙屋一
井寒泉分半溝人能傳誦之

陳潤字肅雨少負雋才弱冠試有司輒出曹輩上雅不欲
以制義名時勤著述應科舉不就貢於鄉益治儒書有四
書詩春秋河洛諸辨疑及雜著凡數十卷其大旨要於羽
翼傳疏學使者粵東楊鍾岳新安汪薇茗水沈涵中丞儀
封張伯行亟稱之

鄭霄字孟凌康熙丙子舉於鄉少從陳元登學稱高弟宏
才博識澹於榮利授定陶令居官剛介丁外艱旋里築耕

連江縣志

卷之七

人物 文苑

八

竹亭以詩酒自娛雍正初年舉孝廉方正辭不赴以吏部
起用復出補刑部主事任職未六十日遽乞身歸居鄉數
為里黨興利學校橋梁多見其功著有詩文集行於世

孫發曾字廣葉號弁石一號藥源年未冠餼於庠領康熙
戊午鄉薦己丑明通榜授教諭歷將樂歸化建安諸鐸都
人士皆宗仰之後遷泉郡教授乞歸家居十餘年雅意誨
人出其門者多發名成業為人廉靜樸訥讀書獨具手眼
善詩古文詞邑乘自康熙年間迄乾隆初年需纂修者急
矣令君戚潤艇以名進士宰連訪發曾學行延主是席曾

徵文考獻體例謹嚴書成戚侯稱其體潔氣閒波瀾仍自
濶大可上參蔚宗永叔之席由是名望愈隆所著有左氏
蒙談藥源詩草藥源文集藏於家

陳材字克任號魯林少倜儻有大志輒以經世講學為已
任雍正壬子舉於鄉乾隆丙辰成進士授戶部主事外用
歷江西永豐南康餘干等邑立義倉編鄉約興學校剔弊
釐奸風俗丕振其蒞永豐也歲大歉材權宜開倉借賑民
賴以安雖干上譴不恤西江士大夫為三吏傳紀其政後
乞歸卜築山寮閉門著書接引後進皆成名士乾隆壬子
連江縣志

卷之七

人物 文苑

九

附

予告大學士漳浦蔡葛山重膺鹿鳴之宴時將樂邱理德
亦預焉一榜三人奏上

御批佳事也至嘉慶紀元又與蔡重宴瓊林年九十二卒
著有梅園集易經初錄易經終錄尙書大義擬告詩經大
義擬告讀書劄言保治編詩草陶草

鄭宗堯字嗣勳性孝友父早喪哀毀骨立所僦屋陋其弟
有謀別構者宗堯日先人窀穸未妥遑謀安乎竭貲葬其
父乃已嘗有祖遺祠後隙地族屬請售以拓寢室宗堯不

受直輒揮斥以獻族大悅初援例入監與邑中章廷烈孫拱極爲文字友讀書沉酣六籍理解尤邃以五經應雍正壬子鄉試獲副車著有易經要義禮記選常春秋摘要詩書精解諸書杭堇浦謂其循庸行而不釣奇爲文卓詭切至而宗於經爲作華泉居士傳蓋宗堯嘗讀書玉泉寶華二山不沒其自號云

孫拱極字肅佑號紫垣雄於文出試輒高等家貧舌耕自給每歲暮撤館躬督諸子挾冊月樓寺中雖除夕弗輟舉乾隆戊午鄉薦己未試春官薦由杭堇浦捷南宮入庶常

連江縣志

卷之七

人物 文苑

十

散館改知縣尋以事落職留都中十載時與堇浦所交名士遊歸掌教鰲峯書院學者經其繩削初若朽鑿後得其金針聯翩飛去者無算性質樸儉裔復傲岸自喜於人多不合而亦不求合於人也著有戴記粹言東井講義藏於家子五讚讓議以次雋訓歲貢議子道翼嘉慶辛酉亦雋

杭世駿喜門人孫吉士見過詩勝地宜幽賞華筵久寂寥愛君能載酒歌嘯永今朝韓筆方原道雄文善解嘲但令高會數未識馬蹄遙

吳元龍字允蟠浮曦人其先以從軍屯於連之建興里因爲曦江吳氏宗元龍天賦亮特而命意過人於學無所不

窺於名下時賢無所不友三山陳元運者奇士也俗疑其孤僻元龍延至家師事之辛酉舉於鄉細載上公車計從此讀書中秘下第遂傾囊購異書歸杜門不出味道覃思上自陰陽律歷渾天象緯之元下及管壁布陣洗海防邊之畧昕夕從元運口授心得皆洞見其所以然又慨後世經生不能深思遐企追孔孟心源使聖賢有體有用之書化爲臭腐常談爲可憫也所著有簡渾儀環勾求故讀易偶拈尙書經務性學滙叅等書而道樞經存書二種尤多經歲月自擬與宋五子同功生平以學問友朋爲性命於連江縣志

卷之七

人物 文苑

十一

元運則服勤至死手紀其喪辦香於曦江山房如侯芭之葬子雲后山之禮南豐然元運死元龍亦抱病奄奄卒年五十六同時士大夫惜之

陳鳳舉字思朝潤之孫早歲能文長而魁偉美髯鬚有高僧見之曰此子當晚成若奉佛可早達二十年鳳舉初不之信後果逾艾始登乾隆甲子賢書明年會試減閩額三名以益浙江鳳舉適在減列得明通第一當引

見頃例先向中堂過驗當路欲令行拜跪禮鳳舉首先不屈竟罷歸後銓永定教職卒於官生平好讀書有得輒發

爲古文辭所著有柳下惠論謂不亂非聖人所難坐懷雖
聖人不必此正孟子所謂不恭岳武穆論謂當班師之日
卽當表檜之奸如胡銓李綱趙鼎所爲未必高宗不悟奈
何降而入獄降而受刑終不出一言以自明史但云入朝
拜謝而已所以甚武穆也劉青田論謂明祖無古聖反身
之學中懷多忍殺機一動靖難土木之變已兆於此反覆
辨証皆發前人所未發者

鳳舉有僧喜林傳云甲午春余將讀書玉華寺惡其地僻乃就業寶華寶華爲近邑名山遊僧多寓焉議予者有明常非懷喜林諸僧其寺僧常徹並諸僧頗不拘佛戒日以酒爲事亦能自外塵俗余讀書閒時偶與之飲則顛倒極醉歡呼以爲樂至夏間玉華僧死十餘日無人知者蒼蠅繞集

連江縣志

卷之七

人物 文苑

十三

其屍邑善士黃君天若瘞之冬寶華老僧以凍死乙未春明常死於閩安丁酉余又至寶華復有老僧不知名聞今年春亦死冬又聞喜林死玉融嗚呼數年中所識僧六七八人存者獨常徹非懷豈爲僧者俱不壽耶抑釋氏之教使然耶蓋聖人之爲教也必使之生有養死有存故一人之身有父母焉有兄弟妻室焉有子孫焉魚肉以飫其口腹醫藥以濟其疾病所以鮮夭折札瘥之患也卽其死亦有哭泣之哀葬埋之謹祭祀之誠矣釋氏滅去人倫收不知誰氏之子爲徒類形氣漠不相關切切而零丁壯而飄蕩老而枯餓饑無人爲之炊寒無人爲之衣病無人爲之侍謂修苦行以求寂滅幾何不相率而死也釋氏以慈悲衆生爲教而其徒與余相識者四五年中相繼殆盡况夫天下之大百年之久何可勝道釋氏之誤人亦大矣哉且此數僧者獨有兩人老耳若明常及玉華僧年未四十也若喜林年未三十也老者不爲僧必有子孫矣三十四十者不爲僧必有妻子兄弟矣有子孫則老者必不速死卽死亦有殯殮有妻子兄弟吾知三十四十斷斷未卽死也先王立教莫大乎使人壽考備百物以養之一入釋氏之法

父母兄弟妻室子孫俱祛無有所收徒子又多無聊賴之人未必情至義重與之終始相維繫者加以斷葷素食面色青癯風霜霧露無所不歷其濱於死又斷斷無疑者喜林好從予遊予嘗以此告之孰謂喜林不省竟以此殞其生乎余悲諸僧為釋氏所誤又惜喜林不能從吾言也喜林漳州人不識其家識字能書頗通詩居淨雲寺數年客之至者無貴賤皆留飲極醉尤敬禮女人不計財利人皆慕之使不學佛必有可觀矣

吳志縮字懋紫號樞亭如臯子甲子鄉薦戊辰成進士授廣西桂平令潔已奉公政多惠下遷知河池州奉檄往滇南採購銅斤卒行橐蕭然久之喪乃歸家故貧歿後子姓愈無以自存三子俱亡婦皆名門女以苦節聞至今稱廉吏艱況者言及志縮皆歔歔嘆惋生平易直方正其為文

連江縣志

卷之七

人物 文苑

十三

宗先輩而脫去畦町刊稿人多傳誦所著有潯陽唱和二

卷湫川宦草一卷滇南遊草二卷

熊夢占甲以詩日有盡身家不朽名巖巖樞老

重江城半生精力留文字一職賢勞置死生慷慨誰能懷馬革歸休真足愧蓴羹祗今旅櫬來天外感動人間仕宦情招魂何處召靈巫骨肉凋零田舍蕪歌鵠河東誠有婦汗駒冀北望諸孤人憐逆境摧霜雪天為真儒設冶爐試看千秋循吏傳好官原不出亨途

孫讓字謙如號地山幼聰慧從父拱極學於儒先理解經指授卽了大義兼精書法詞賦中丞潘思桀選拔鼇峯深賞識焉弱冠領乾隆甲子鄉薦辛未明通榜秉上杭彰化鐸秩滿陞陝西榆林知縣簿書之暇日事鋤槩性渾厚不

設城府亦不喜詭隨以忤當道拂袖歸家徒四壁泰然也
著有松窓偶寄紀遊草兩種存稿邑侯夏公稔知學行聘
主菴江書院山長講經以淑後進卒年七十有六

循良

宋

趙崇祉字時發嘉定間以宗子正奏知南劍州興學造士暇則集諸生親爲講解經義儒風丕振

陳應用字軒伯咸淳二年知丹陽縣清強剛介治聲翕然竄豪民辨誣枉行鄉飲旌孝義洎去官邑人爲立生祠歷長洲改提舉司主管文字

明

汪大賓字貢可洪武中舉孝廉爲廉州府經歷敷政公平

連江縣志

卷之七

人物 循良

十五

郡守殷革薦其賢擢禮部員外郎

陳宗回名復以字行由明經授韶州通判以廉能著聲會廣川督造封王巨艦未就使臣令其刻期報竣而撫按又以勞民爲憂令回董其役回廉知吏胥中飽弊以溫語諭民而清其工值不日告成然以剛直爲時詬病竟棄官歸家徒四壁教授南塘村

楊季字克敬六代同居崇兄也正統戊午貢入成均以按臣薦擢漢川令七年冰蘖自持興利除弊百廢具舉民咸樂之以年老請致政民詣當道乞留當道亦慰留之乃自

疏於朝得允及行行李蕭然惟舊籍新詩數函而已縉紳各歌詩以贈民思之不置立生祠祀焉至家年七十一卒

崇禎末同邑吳承宗丞江夏以公事至漢川仰季清風謁

祠獻楮幣并捐俸修葺垣宇而去

大理寺高銓送其歸閩詩云出處天機見得真

胸襟軒豁不凡塵官辭五斗了無意家在三山富有春風月閒邊賒酒債烟霞暖處着吟身從今楚水歸休後此樂真知有幾人侍講王譽詩云清白家聲舊琴堂德政優乞歸天詔許臨別士民留行李詩盈卷離情月滿舟家山多景况眺賞

日登樓

陳璽字天瑞宏治己酉鄉薦授廣西思恩府通判土官岑濬強悍不法璽以德化之薦改桂林廓棘圍建浮梁士民

連江縣志

卷之七

人物 循良

十六

德之遷眉州守有治行人為祀於三蘓祠

林金字良珍號焦崖衡水令菘之孫以貢中嘉靖丁酉順

天榜初授靖州教授開見易書院以文行率生徒知楚通

山縣清節著聞轉河池州知州修學宮浚河隄民甚德之

著有愛山堂四凶編行世

孫一謙萬歷中為南都司獄故事重囚米日一升率為獄

卒盜去而散時又強弱不均至有不得食者其新繫囚入

獄獄卒驅之濕穢地不通飲食而官因以為市一謙知之

一切嚴禁手挈一秤秤米計飯日以卯巳時按籍分給食

甚均又時時視囚衣敝垢爲洗濯補紉令完善輕繫之餓者予囚飯之半囚得不死每曹郎視獄問囚有苦欲言乎皆曰幸甚孫君衣食我是時少司馬王用汲聞其事以告郎中蔡獻臣久之大司寇樵李陸光祖少司寇瑯琊王世貞皆加歎賞欲爲之地而一謙已轉靈山吏目矣世貞贈以詩曰青衫白馬帝城西祖道無人日欲低猶有若盧方畝地赭衣能作數行啼蓋紀實也獻臣亦作文慰勉一謙歸至鄱陽湖卒

陳繼源萬歷中爲大勝關大使關上人皆愛大使不費我

連江縣志

卷之七

人物 循良

十七

錢兵部郎施壽明以廉貞稱之及遷温州司獄窮老矣常却例金太守蔣光彥閩人也念欲有以益繼源令攝外獄外獄者諸縣輕繫待讞於府者也繼源固辭請屬之倉守曰此亦司獄職耳應曰某未任時此獄屬於倉安得盡司獄職乎蔣笑而罷之及滿歸至不能饋粥依老僕以居

叅議

何湛之序云洪惟我皇祖定鼎金陵環視山川朝拱而大勝形勢雄據要津南遶都城北通京邸東西上下控引諸省屹然畿甸之保障也乃建邑設關命信臣督兵士守之凡舟車之往來江防之阨塞悉屬撫制於今二百三十餘年矣邇來任是職者不以爲易則以爲難易之者謂其秩爲易稱而玩心生焉鮮不曠厥職矣難之者慨乎其志之難伸而厭心生焉鮮不怠若事矣殊不知君子之仕不係乎秩之崇卑惟存心於斯民焉爾苟心在於民雖一命之

士亦足以利物否則於高位乎何有閩陽陳君以大使之職來主是關其心之存於民與否予固弗知顧其所屬之士皆余村庄之氓也是日朔旦少長數十輩詣余山居叩閣而告余曰某等大勝關兵也關據大江之衝舟車輻輳來去繁劇往者疲於送迎困於征求衆咸苦之鮮有能遂其生者自父母陳君下車以來弊者革廢者興所行者往往惠下之政是以商賈不困而課稅充地方不擾而盜賊絕迎送不費而民有餘力治國如其家事愛民如其赤子某自承役以來未有見也今茲部臺榮獎行將陞擢有司福他民矣衆雖繪圖志意曷能揚其休美而報其德耶環閣固請必得余言以贈而伸其私忱余聞之喜起而言曰噫嘻陳君賢乎哉夫不以職之易稱而玩不以志之難伸而阻隨其分盡其心素其位行其道令行而衆悅之事治而人安之誠如是也雖古之良吏無以加茲吾縉紳之徒而咸若此何國事之不洽而黎庶之不安乎因次是語授之俾書以爲陳君賀亦風乎在位者

趙九鼎字重于天啓間授彝陵州南津關巡檢先是巡檢

連江縣志

卷之七

人物 循良

十八

多失職江盜橫行豪強透越者習以爲常鼎至巡緝嚴密強梁斂跡米鹽亦無偷漏楚人德之丁外艱歸民多泣送翰林文安之贈詩曰三峽三灘清且漣萑苻不雜杏花天城中父老泣相送爭向轅前進一錢隱居石門澹於慾利著有愛陶集三卷

陳思選字可舉號知吾天啓間考選經歷以親老改授廣信司獄日施饘粥衣棉以活囚繫俸入不繼鬻家中腴田濟之有權貴誣人重罪欲旦夕置之死選密縱之權貴索甚急會行人吳國華賫勅至選素與善因力爲解脫得免

擢唐王府審理歸

國朝

邵言綸字思飭康熙己丑進士知息縣邑多豪族猾吏言
綸繩之以法使不得逞凡常例所派於民悉革之培植人
才識拔皆一時之雋方正嚴毅與上官多齟齬爲總督田
文鏡所劾安置濟寧蕭然自得無幾微坎塲意見於詞色
後卒謫所

吳元春字松齡雍正乙卯鄉薦乾隆己未成進士授通海
縣令在官兩載以簡靜明察著聞民作太爺賢謠一篇頌

連江縣志

卷之七

人物 循良

十九

之覩縷其政尋以事去官紳士攀轅繪所治山川城郭圖
以獻歸之日澣衣蔬食依然寒素譚藝自樂以終其身

楊方壽字淑康號靜圃乾隆甲子鄉薦戊辰成進士選授
廣西平樂令邑舊俗諸生初入學無謁 廟禮其尤倣者

每歲九月男女聚遊滙塘灣踏歌贈答相悅則自定耦不
行媒也方壽悉教導禁革之有久佃而匿其田者悉剖還
之主者或袖金致謝輒面斥使去又有侵官地種植爲人
首發浼權勢私謁行賂卒堅拒弗爲禮籍其杉木爲義學
膏火費以示罰一時弊絕風清五載丁內艱歸民肖像以

祀

吳應昇字懋武號曉初鵬南弟乾隆甲子邑之解者九人而昇與父樹稷弟志颺一門三雋稱盛事焉初補沙縣諭師範端方後宰嚴州建德建要衝也應昇以儒吏拊循之民用休息且以八世祖世澤曾守是邦先人棠蔭在焉益自誓不負初志三載請假終養宦橐蕭然建德人知其貧醵金以資之行家居恥奔競雖以故舊知交如毛昇宰邑田允衡攝郡皆鵬南所得士亦未嘗一干謁至於邑有義舉則樂任之

連江縣志

卷之七

人物 循良

二十

周應陽字銓乾號體庭懋勳孫丁卯鄉薦初補邵武諭歷河南溫縣尹未滿以病假痊復舊治邑有十三里向選殷戶充地徭承催糧米多至破產應陽至憫其累立請革之丁酉春旱饑詳請緩征捐俸米爲糜以賑癸卯冬不雨至乙巳夏始雨乃薦饑仍籲請賑濟併平糶存倉薊糧三千石活之丙午春麥未登民間乏食至有遺棄嬰孩者復自捐米並勸紳士勸之設立粥廠六十餘日民賴以甦路收遺孩哺之養濟院戊申春旱隣境蝗作應陽扶病禱雨捕蝗晝夜罔閒竟以勞卒民扶携弔哭至發引送者相望於

道

吳通源字亨泉號岱瑞幼聰敏過目成誦比成童以習十三經爲吳督學樹屏所賞拔補弟子員癸酉領鄉薦丙戌成進士授浙江餘杭令政尙廉平民稱不擾當道重之未幾以母艱歸哀毀成疾卒年四十二通源寡交遊耽閒靜每展卷有得至夜分猶一燈如豆兀坐不肯休蓋質敏嗜學不以早達少輟而復介特有守云

楊鳳騰字季曉號梧岡家世明經一門自相師友年逾冠應辛酉選拔旋中副車領丙子鄉薦第一明年成進士授

連江縣志

卷之七

人物 循良

三

粵西賀縣潔已愛民以振造斯文爲已任已卯庚辰兩科與族兄方壽同分校商權去取稱得人尋卒於官侍郎周煌誌其墓

節概

宋

趙崇做字至伯號是齋登寶慶丙戌宗子正奏授盱江守志潔行清於民毫無所取惟飲盱江杯水而已初陳剛中未遇時遊盱做與定交後剛中以忤檜客死爲文弔之士氣爲壯終知建昌軍

明

林漢川字致遠以父某任漢川教諭時生故名長隨父任餘杭領宣德己酉鄉薦爲臨淄教授修學舍嚴課試正統六年行取至京將擢爲臺諫適聞父訃或勸其暫秘以待命答曰科道官可無父喪不可匿也遂奔回起復肇慶博士乞歸

連江縣志

卷之七

人物 節概

三

陳隆字伯昌領正統辛酉鄉薦授松江同知成化間擢苑馬少卿轉太僕致仕所至以清節著居家不殖產業謂無庸爲子孫供遊資性好圖書終日靜玩若不知有外事然陳儉字用節以鄉薦授廣西荔浦令縣多猺蠻爲梗儉設法節馭始馴服以鯁直不容乞歸慕陶元亮吟咏松菊以自娛因自號曰若陶

陳坦字道平初爲工部郎以朝賀註誤左遷揚州通判攝
泰州值歲饑盜起抗辭出府倉穀賑貸盜因以弭當道交
章薦之後擢戶部郎中已而乞歸連之建城與有力焉

陳秉謨字文卿元憲子以鄉薦授新寧諭擢博羅知縣邑
有羨金悉捐以充公費寇莫村猖獗爲民害謨身率士卒
搗其穴平之以不能媵阿媚上拂衣歸里羅人祝之名宦
國朝

吳駿字時來順治丁酉副榜耿逆變起邑中有欲就僞職
者駿遁跡寶華山中迫之不應後爲寧羌州同知州本邊
連江縣志

卷之七

人物 節概

三

微駿外捍內撫民懷其惠以母老致仕

陳啓明字炳初號平農以明經授永定訓導嚴毅性成士
奉模範永定學宮隙地爲豪右所侵有年矣啓明至力爲
請復豪右初以威攝之不動復以金遺之明持金集諸生
拜誓先聖前侵者計屈乃復其地尋以疾丐歸

隱逸

宋

林幾復字應明學問該博稱為書樹生紹定端平間不求
仕進隱居授徒從遊多通顯者如合沙公常挺節度判孫
鼎來太學博士林公玉釋褐林宜高陳龍光輩彬彬如也
勸之出不應

林元亮字仲明績學善文不樂仕進隱居於長坑之原褐
衣芒屨一童自隨縱遊山水間吟咏長嘯泊如也居家尤
以孝友聞所著有萬碧亭記玉華洞寶華巖雲溪集若干

連江縣志

卷之七

人物 隱逸

十四

卷

元

陳成已字無逸豁達軒舉倏然於功名之外以文學薦不
就復以掾辟嘆曰舍文學而就掾是去昌陽而得烏喙也
乃避入龍卧山已而築室鰲江之西扁曰西坡貧而未嘗
干人里中有緩急則樂陳義相推輓象以比太邱長所著
書皆可傳

周正子字敬甫性聰敏幼從陳成已學博極羣書居家有
孝義聲武宗時與杜本同徵不起隱武夷山中後築室龍

卧山絕意仕進元統初命各屬縣舉堪守令者一人正子

在舉中竟辭不就嘗作美人隔秋水詩見志

詩云海水浩茫茫河水流

瀾瀾桐江風一絲淺淺灘七里中有嚴陵臺去天不盈咫
天上吾故人屢徵終不起匹夫振頽風百世芳不已今人
一節思輒伸三尺甯寧知古之人立身嚴進止君看榮華
徒游龍逐流水春風桃李場艷鬧端可喜一朝墜庭梧凄
涼猶竹几願操松
相剛毋逐浮浪藥

明

李滂字淑范號竹溪樵叟與從弟浚以性命之學相切劘
邑舉弟子員不應隱居教授從遊者數百人著有五音韻
類竹溪集竹溪塾訓行世

連江縣志

卷之七

人物 隱逸

三五

滕禮字節中宋建州僉書樞密院康之五世孫也大父均
寶不欲仕元自建遷連江浦口至禮以孝廉辟崇德王簿
亦辭疾不赴閉戶著書世有隱德焉

國朝

吳孔錡字奇生少孤篤學蔚有時名明祚移奉母偕隱岱
雲山賦詩有徒寄餘生慰倚間之句因自號寄餘子時前
明閣臣熊汝霖浙帥鄭遵謙等從魯藩浮海入閩大帥託
擁衛擅權橫不可制汝霖與樞臣錢肅樂聞孔錡才名徵
之孔錡知必無成婉詞以謝無何帥果誘殺遵謙夜劫汝

霖舟屠其家肅樂憤鬱死孔錡沉幾養晦值時平日品題
花卉寫咏寄託甲寅變起孔錡吟詩云乾別西風幾葉秋
巍巍六郡亦王侯漢家鹽鐵徒敲髓周制衣冠漫出頭坐
井裏鼃空自大處堂中燕豈知憂卽今杞慮天將壓土偶
何堪水漂流卒以計自脫

黃士舉字天玉保安里人明季應孝廉鼎革後絕意仕進
僧帽道帔爲方外之遊值沿海調遷自馬江徙居邛儲家
徒壁立幾不自存意弗爲動也天賦敏捷博極羣書尤精
治帖括爲生徒口授大意頃刻數百言粲然可聽於儒先

連江縣志

卷之七

人物 隱逸

三六

書疏通比櫛牖導後進循循有方嘗曰吾不應試亦將使
生徒不應試耶從之遊者多所成就性孤介義所不可輒
厲於詞色諸宿老推之爲規繩焉子嶠孫家權

游時祺字叔頤號崑菴志節高邁少與其兄時裕相鏃鏑
爲名行革命後棄去青衿謝絕塵務自擬寒蟲枯葉無有
氣味於人世數十年不出戶外卽名山古刹素所經遊者
杖屨亦不再涉蓬頭垢面坐卧一小樓親友希得接之人
調袁夏甫焦孝然不能過也年八十餘卒無子嘗著史遺
若干卷不傳今存者鳳城烈女志二卷

周源長字自天號星海順治間恩貢博學能文立品端方
淡於仕進銓次已及辭疾不赴館夢柳齋教授生徒著有
論志三篇夢柳齋集四卷

楊茂藻字魚在安德里人順治間海寇陷透堡明年調移
沿海居民於內地藻在播遷羈旅中不廢誦讀遂餼於庠
充康熙己丑貢居常授徒自給課子友梅友竹皆以明經
世其家晚授壽寧司訓及乞休制府常某判其牒云老成
宿學堪爲多士羽儀肥遯居心甘作山林隱逸勉狗所請
以誌嘉尙年八十八卒郡人工部主事施霖爲文祭之太

連江縣志

卷之七

人物 隱逸

二十七

守葉謙其門人也挽詞云兩世鱣堂沾雨化一官鶴俸等
雲浮可以想其風致

章廷簡字存畏號謹三學前人父程邑諸生遷居松嶺與
何梧子時相往來少日深爲所器登康熙甲午鄉薦讀書
之餘種樹畜魚灌園治生與傭力同作苦嘗自榜其山居
云林泉未了詩書債郎署曾虛草莽臣應銓縣令以耳疾
辭不赴卒於家

黃廷讀字思蘭號鹿芝花園人司訓黃朝天次子家貧力
學遺貲悉推與兄弟曰吾性不能爲生也自少至老館穀

自瞻談藝竟日不倦經指授者大小皆有成就手錄經史諸子盈篋旁及山經地書靡不涉覽生平衣冠樸野嘗值外舅生辰荷擔酒脯往祝復肩以歸晚以明經應選未仕總而論之士之遭時遇主贊畫廟堂尙已次或丁事會之孔艱奮口舌以自効馴至以身殉道確乎不拔無不抒厥經猷凜爲風采尙所謂先民有作垂憲後世者歟他若報國文章簪筆以載蜚天藻起家令牧飲冰以自凜官箴暨夫子諒易直婉績龔黃均足徵靈淑於扶輿揚休嘉於簡冊者矣而高尚其志者務葆性命之真耽棲遲之數無至

連江縣志

卷之七

人物 隱逸

二十八

迫以辰其心焉彼非惡此而逃之也義各有存道惟自重用是以蹤視軒冕思蟬蛻乎塵埃趣雖不同亦各行其是而已雖然唐虞之盛箕頽固遂其高成周之隆夷齊亦抗其志而臯夔望散諸臣則未嘗作孤行之舉而高物外之踪此自奮功名者又不能不翹想風雲之會而願依日月之光也夫

內行

唐

裴逵居清河里大順中官至大理卿敦篤內行以孝義聞鄉人稱其里曰義洋

元

王志居蟾蜍園以孝聞

志母病禱於蝦蟇石願以身代母痊後里人見志騎白馬昇天乃祀之

倪神保安德里人幼失父母與其妻林氏禱於天欲得一木連理而生者刻父母像以祀徧求山中至石芹山見二木同生乃拜祝曰若可刻為親像木當三動祝畢其木果連江縣志

卷之七

人物 內行

二十九

自動者三取歸刻像奉於中堂凡飲食供奉出告反面一如事生之儀

明

林龜年字十朋學富才博洪武初以太學生雋應天鄉試次年成進士授翰林院庶吉士改揭陽縣丞時父昭以元改官遷置淮甸龜年疏請迎養上允之未幾以稅糧愆期至京對簿父蒙省釋而龜年謫戍燕山第叔厚奔唁其兄歸里作鵲鶴歌送之見者莫不為之酸鼻

歌云有弟有弟惜離別萬里尋

兄寸腸熱一朝相逢燕市中淚洒在衫各嗚咽憶昨在家年少時青衫白馬相追隨芸窗筆硯幾昕夕春風簾幙鳴

頃篋高堂老父隔淮甸辭家十載那能見汝時遠逐南飛
鴻歷涉關河與鄉縣我亦愛汝多才華興來草聖如龍蛇
飄風驟雨見神泣卽今湖海人爭誇我身濫作青雲客昔
日金門親對策琴書薄官在嶺南寂歷桑麻滿阡陌榕城
春暖花正開昨宵風雨成莓苔春令原上復何有率然山
下空徘徊去年二月辭京國來時雪霰漫天白今年二月
到燕山憐我謫宦遊塞北停車飲策塗陽山城頭白晝紅
旗翻烟雲暗結萬里道衾裯尙擁六月寒春來不見閒花
草遙憶故園春色好夢魂常戀帝鄉遊朱顏肯向□天老
平明沽酒送汝歸弟兄此際情難爲東門握手不忍別衷
腸斷盡雙淚垂閩山迢迢渺何許斜陽芳草長亭路行程
須計回日期籬落黃花正秋暮殷勤爲答堂上親雙親見
汝如我身我身艱難慎勿道尤恐惆悵傷親神盤盤祖塋
龜山上五馬金輦屹相向碧桐翠竹手可栽勿使荆榛日
空長方今海內無戰爭燕山西去烟塵
清會當作頌拜天子乞歸稱壽同獻觥

陳文獻字信菴爲諸生早有時名與王鍾岳趙吉所號六

連江縣志

卷之七

人物 內行

三

才子家貧母歿無重殮終身不設重衣每逢諱辰輒號慟
不能起至耄期悲慕不少衰

陳文亮字景明少孤母賴氏守節自誓文亮事之篤孝母
嘗有疾文亮每夕泣禱北辰求減已年以益母壽又取母
糞嘗之知其味苦病果瘳邑人趙雍爲作節孝堂序母歿
居喪哀毀鄉人稱之後以子鴻漸貴贈如其官

陳旺字邦盛兄副千戶卒旺襲其職越五月兄遺腹子恭
生旺後調福州右衛鎮撫時恭方五歲嫂懼涉險阻負恭
匿旺泣涕求得之覓寡婦與嫂居携以偕行恭長卽還所

襲職而終老焉平日聞人語及父母兄弟意忽忽如有所失居家尤以廉慎練達著

鄭崑字鳴鶴號友松幼孤事兄鳴鳳甚謹正德己卯舉於鄉爲吳川諭請移文福建兌半俸養兄遷知宿松縣縣有顯者請射圃地崑執不與因銜之尋其隙無所得以多病中崑遂拂衣歸見兄甚歡作鳳鶴和鳴圖卜兆同壙扁其軒曰帶經額其堂曰師儉

趙綉字時文恢曾孫嘉靖間以明經爲浦江訓導性至孝父老失明性素嚴急少忤卽怒綉必跪伏待罪俟色霽乃

連江縣志

卷之七

人物 內行

三十一

起棄官後猶然

陳祖念字修甫號心一陳第長子天啓間以明經授永定司訓轉永春諭尋遷衢州教授未幾遷楚府紀善致仕歸所至誨士務崇實學論文必根極理要天性至孝母病每晨顛天數嘗糞糞甘泣日母不起矣及居喪哀戚逾常第老而好遊足跡遍五嶽每出輒數年祖念馳數千里泣請以歸未幾第病不食不言者二月餘身親湯藥曲意奉侍有求輒至第臨終作勞子諸詩董應舉亦贈以詩云數月不解衣夜夜燈一炷言以無聲求食以湯頻補視息微密

間精神鬼神輔益志實也

陳謨字繼顯父性好施思有所調恤慮謨不能給謨故示有餘凡父所欲與者皆先意而施父素病肺雞初鳴必起烹餼以進二十年如一日嘗詣潘溪主人具鱒魚日暮矣亟懷歸以奉父又父思食天蘿瓜時方二月聞郡城可得疾奔百里求得之抵夕而返親歿號慟三年當食必祭結廬墓側哀毀骨立有虎依廬旁久不去嘉靖十七年監察御史李元陽旌其閭

趙矯字克俊母病焚香告天願減算益親年及卒廬墓露

連江縣志

卷之七

人物 內行

三二

宿嘗語二弟曰同氣連枝者兄弟也世人以田宅之故生離異心亦念難得易求之戒乎與其弟同居共爨勤治農業計其所入藏於一廩而量入爲出凡男女長幼飲食衣服無分爾我家人率教久而雍睦云

楊崇字善器自其高祖宗連傳至崇同居六世矣叔子傑以崇賢孝委爲家督尺帛粒粟皆有籍冠婚喪祭飲食有程出入告面唯諾有禮門內井然婦人有子者互相乳哺家畜雞每飲啄羣呼一雞不至羣雞不食初年七十餘日季年倍之用儉以裕所居宅三十餘年無哭聲祖隸鳳陽

戎籍明法應伍者竟其身無更代崇於例當補弟銅鐵爭
欲行崇子孟自外歸請曰孟於子行爲長敢以累諸父哉
卽辭父母赴役途次得部檄改隸定海遂復歡聚巡按劉
信上其行於朝未得命而崇卒崇家距縣七十里知縣章
武親至其家令羣兒出見賜以楊梅令食羣兒班立序啖
雖至小者不紊武大笑而去董應舉榜其居曰義門

國朝

余達字廷銓早歲以母疾輟舉業奉事二十餘年浣滌必
躬親母卒年四十始應試入郡庠父晚年病足達每日背
負隨父意所欲之率以爲常

連江縣志

卷之七

人物 內行

三三

黃經國字啓初父終夜必卧棺側及葬廬墓不歸邑令楊
繼生嘉其行請於當道旌之

鄭尙梓安定里人父愷爲山寇劉希亮所擄索重贖尙梓
家貧假貸贖父不饜賊欲乃叩賊營哀求釋父且願以身
代賊殺之釋其父歸

張燾少名洪居順治間自洪塘從其祖避亂岱堡海寇陷
堡屠之張氏一門殲焉獨其父震公以授讀他里獲免洪
居時七歲寇擄往廈門轉鬻清漳旣長傭於龍巖有言其

擄自連江者心識之因彷彿憶幼時提携有天貞者以為其父也乃奔連江入城越數朝暮無所向哭於途問其父名曰忘之此間毋乃有天貞者耶願得見之天貞者震公弟也震公聞之曰彼何人者而識吾亡弟洪居顧不死耶亟趨視之遇於南關父子相抱哭携與歸呼其母出洪居熟視良久曰非吾母也震公曰果非爾母爾母亦斃於賊矣此爾繼母也洪居捨地大哭是時震公老無子洪居奉侍惟謹事繼母如所生每念母死於賊仇不復常飲泣或至失聲聞者嗟歎雍正七年 旌

孫燠有歸來兒歌云天動殺機世道否羣蛇走

連江縣志

卷之七

人物 內行

三十四

陸紛紛起蒙名冒義害蒼生攻州不下攻邑里邑破里亡世所然胡為俗人不惜死可憐附岱百餘家奔入堡中將城抵州中失望地龍飛城崩玉石同一燬子遺棄兮慟思親父獨存兮哀望子一十六載渺無聞旦夕言旋忽有是張家郎甫易齒幼遭流離忘姓氏竊聞所擄在連江暗抱歸心忘年紀假父殂身轉市作僕傭負行李遠水遙山覓故鄉叔名天貞將父指異矣哉歸來兒默默之中誰相爾楊方壽跋畧云余讀張公感錄愈恍然於天合之親歷千磨百劫斷無可離之道也夫張公之七歲被擄也天實困之其三徙流離也天實難之要其寧以其身為人子為人傭舍垢忍辱而不辭者即明夷難貞之作用且歸連尋父遇災於城於市數朝暮無所向者即於田號泣之精神六十年間裂膽摧肝吞聲飲泣操心危慮患深孤孽疾亦不過如斯其卒也鬼輸之而神牖之連江天貞陰排作合之緣而南關相遇若操券而必得焉夫豈偶然哉而或者曰張公之願酬矣張公之憾未釋以為母容莫接母仇未復即使娛老父於暮年事繼母如所生逮養雖終報劬已晚向使岱堡屠陷日舉家無恙終身依依膝下當尤孝子之

所甚慰然其遇彌窮其節彌苦其行彌卓而其心亦可告
無憾矣又詩云不識母之慘父名誤更呼三遷耐易姓兩
字泣歸塗抱咽橋南水扶聽堂
北園竹林如早報多少賊頭顱

陳彥弼字子卿母老病脚且瞽卧床二十年承奉無懈任
甌寧司訓課士有方鹽菴自給尋以疾辭歸丁未土寇謀
及縣陰使人給開城門弼率衆力拒之邑賴以全著有韻
草樵史諸集長子登性友愛弟潤陷賊冒險脫之以明經
未仕

徐永麟字喬年父天石貧士也永麟少以治銀爲生奉其
父篤孝晨昏無踈節父之執友一二日不至門必先父志
連江縣志

卷之七

人物 內行

徧延致之與其父竟日談酒餽豐潔不待命而具父以娛
老甚歡人稱天石有承志之子云
張志恩故農家子勤治業其居伏沙去縣數里每日必握
粟入市易甘旨凡事視親意所向必竭力以娛心志居喪
盡哀極在寢值天寒必擁絮煖之晨夕撫視如事存卜葬
地於近岡每荷鋤出戶卽徬徨凝望元夕於塚上架木懸
燈使兒輩擊鼓作樂日庶吾父母於此景不岑寂也邑人
士多稱之知縣王孚爲之旌

黃成富字碧峯農家也居仁賢里之牛欄坪同居六世一

門六十餘日凡教讀匠作皆令子姓自習之各司其業每
出作婦女俱從留一婦視家卧兒於筐饑則乳之不問誰
兒也懸衣於桁出則脫之入則服之垢則浣之不問誰衣
也客至供具則長者主之家中雍睦不聞一言

蕭良輔字爾佐六歲喪父哀毀如成人父素嗜膾輔終身
見膾輒泣方九歲時隨母濟渡母以轉帆失墜輔驚號投
水救之賴舟人救護得俱全家貧母嘗市餅度活留其半
飼輔輔泣讓忍饑託言所親已飯兒矣一日從里塾歸見
母有不怡色詢知假鄰家薪草其子慮無以償撲火奪薪

連江縣志

卷之七

人物 內行

三六

以去卒不果炊輔旣曲慰母輒改衣履登山樵以供爨自
是每塾課暇必以故白於師師亦哀憐之及長侍奉彌篤
母嘗患翳眼輔朝夕舐以舌視如初母病以嚴冬索絲瓜
輔褊走百里竟得之嶺上歸以啖之而病廖有鄰媪與母
善日延致左右具饌以娛之女弟家貧往來溫恤二十餘
年母憂以釋平居勤治生而性復敦篤凡媪睦任卹之事
無不先母意而推施罔倦焉乾隆二十六年 旌

胡俊伯儒陽墩人性素孝母得癘疾不離牀蓐俊伯敬事
日養夜猶秉燭候宵分不敢言倦復躬執衣屨溷廁之役

歷久如初乾隆二十四年毛邑侯匾旌之之數子者或孝友以篤天親或雍睦以逮間左非皆以質性過人無所待而然耶夫孝弟順德也惟情摯而分有宜盡事常而人皆可勉非必舍平易之途務軼而過之也求其道而不得或出於刳心剔膚殘遺體以重父母之傷是則聖王所禁而知道者未之深予也連之以是言孝友者每多其人

宋

陳逢丙

安德里人割肝和藥以愈母病邑侯宋日隆嘗作詩美之

明

連江縣志

卷之七

人物 內行

三七

吳寅

字時敬弱冠餽於庠母高氏病劇寅割股以進母病隨痊當貢時某生陪貢貧甚寅言於督學竟讓之後乃以明經授太平府訓導教人必先行誼士悅服之

國朝

劉茂枝

九龍山下人割肝療父疾

鄭良信

仁賢里定田人

林喬松

永貴里東岱人俱割肝以療母疾

黃興錦

弟興繡青塘人親病篤兄割肝而弟繼之親病以痊順治庚子按察使周師忠督學副

使宋祖發知府吳六一

旂日雙孝格天

陳堯性

保安里人母病割股療之而愈復病繼之以肝

鄭成梧

保安里人乾隆庚午年甫十四母病篤禱天剖肝奉之病漸愈及親歿祭葬循禮展墓掃墓有如家常遇親諱辰及已生日輒流涕廢食里黨賢之現年六十九歲

林梓芳

杉塘人父早卒事母能養母病芳割肝療愈邑侯夏公匾旌之時乾隆十三年

程兆炳

浦口墩人母病篤奔禱父墓以磁碗作筵三跌無破缺爰割肝少許負痛袖歸時昏迷失路忽電光閃閃如有導之行者遂調和以進母得此頓覺神爽少頃炳就寢其兄於卧所見血跡詰得其情翌早母謂其兄曰昨炳所進羹旨甚可再得否其兄語之故母有觸心痛竟不起炳創未愈加以哀毀亦相繼亡族人既憐其孝又憫其窮而無嗣乃為之立主而祔於祖祠

陳文荃

字希五邑庠生年十五時父病割股和糜以進病立瘥迨父歿哀慟呼號淚盡繼之以血目竟瞽後二十年忽復視如初晚卜築定安逍遙山水以樂餘年邑侯任公兆松旌其間并為立傳卒年八十三

連江縣志

卷之七

人物 內行

陳光麟

青塘人乾隆四年父卒母黃氏守節以病成雙瞽麟勤事罔間及病篤籲天減算并割股和糜以進母病旋瘳而瞽亦明乾隆十年邑侯馬公彭年匾旌之

周必捷

字大章學前舖人邑庠生乾隆九年間母病危捷密登樓割股以奉母病立起事聞邑侯馬公彭年賚物贈詩并為詳請撫憲匾旌之時捷方十有三歲也

吳世盛

上漆墩人九歲時母病割股療之現年七十萬石舖人邑庠生事嗣母羅氏克展孝敬方十歲時母病魁割股愈之母以天年終魁祭葬盡禮乾隆十二年邑侯潘公賜以花幣

游龍魁

諸物後秦許兩學博復給匾旌之仁山人家貧竭力奉親乾隆二十九年父病割股調羹救之母因父病亦積憂成疾書復割肝

鄭位書

以療當時呈報公牒有云雖割股割肝固為過舉而救父救母實出誠心邑侯金穀堂旌以匾音

魏作樽

蛤沙墩人事繼母能孝母病樽侍湯藥數載周禮有談及父母生前事者輒悲愴不已現年四十六歲邑令李奉匾旌之

孫昌沂

字登雱百勝墩人兄登浩病雱割股療之兄歿撫姪騰鯉成立遊岸四十年未分異鄰里義之丹洋廩生嘉欽季子也事寡母吳克孝嘗劊肱療病後復割肝吳均得無恙時方童年衆異之

陳雲蔚

儒陽墩人兄病

胡帝簡

篤割股以療 儒陽墩人年十四母病割股奉之乾

胡仁和

隆五十九年邑侯楊公給匾褒旌

此其為孝

與友蓋失中而非可以訓然刻剔其體以易名自漢季矯偽者先之彼有所為耳逢丙以下諸人或躬披

襁襖目不知經或口誦詩書年猶總角均不知所為

連江縣志

卷之七

人物 內行

三九

名而事當其類計出於窮豈非發於中誠而利害有所不及顧者哉錄其人用見匹夫婦區區之心於天

性不薄云爾外此有

陳會萊

字振邦廩生元壯孫也家世儒業萊手一藝以治生性友愛伯兄曾芝久困棘闈心憤鬱萊懼其以貧自阻也素分潤之以堅其志酒茗燈膏之費歲科應舉之需皆取給焉芝以是至老益豪支祖一齋公名儒也遺書舊版殘缺慨然出貲修梓以廣其傳君子以萊所為多敦行務實視一時激烈希冀回天者有閒云

寓賢

宋

朱晦翁慶元間嚴偽學之禁避跡三山轉之長樂與其徒劉砥劉礪抵連寓寶林寺復至官地村結廬講學久之今猶名其村曰朱步又寓於安中仁山嘗爲主人書大學聖經於廳事門上其家世無疫厲之災復至九龍山下流覽徘徊以爲此地當可避亂後人卽其村建祠以祀

明

周如磐莆田人未第時貧不自給浪跡至連讀書龍興觀

連江縣志

卷之七

人物 寓賢

四

以磁器煨粥自期公輔同學輕儇者多戲侮之周怡然不校一日有老狐匿閣上雷震悉諸生皆恐先後出立庭階周坐閣中不爲動雷震益恣衆共詬之乃出不數武已擊狐斃地矣每共出行諸生爭趨小徑周日我朝廷倚賴之臣不可夫人卒於家計喪費外惟餘一銅鑰遺之周撫以泣曰吾會當有以報汝今已矣已而果第官內閣向劇侮之者亦援例欲謁選愧不敢往

何其偉字梧子其先福清龍田人父古銘遷居邑之伏沙故學者稱其偉曰白沙先生云少讀書有心得每超筌蹄

之外嘗受知於錢希聲錢殉國死琅琦其偉慟哭弔之遂
隱不復出負奇氣從人寄食不久恒齟齬去之好以樹藝
自娛徙於白鶴作草堂以居短垣一帶徧蒔花草或有所
得則發之於詩詩成每過訪陳元登黃士舉互商得失在
復不厭居惟緇黃冠服狀貌鄙樸不可物色種蔬給食
不知爲貧所著有濤園文集四卷濤園詩白鶴草堂詩若
千卷胡諍一卷行於世

國朝

楊維熊字乃武侯官人勵志古人不慕榮利講學於邑之

連江縣志

卷之七

人物 寓賢

四

幕浦三十年足跡不至城市所著有周禮管子詳講尙書
要言學者稱幕浦先生

論曰在昔遁管寧於遼海棲杜甫於浣花卧南陽之草廬
釣富春之寒瀨此皆翛然寄其踪於無相與之地非日旅
人卽云遷客而斯土之人乃或爭先親炙旣往猶思斯奚
故歟德義著則習尙藉以潛移文采昭則山川增其輝媚
誠重之也夫士之增重於時者必有自立之素故居則聲
流桑梓出則望繫江湖卽信宿經遊猶思履舄矧夫論道
譚經歷時彌久者乎高山景行正以寄重未嘗以寄外也

否則載浮以來爰集於此人第見爲弱萍之飄泛過烏之
啁啾卒歸於無何有已耳烏足以云

連江縣志

卷之七

人物

寓賢

四二

鄉行

隋

林堯字仲高號東齋縣治北野民田四萬畝地勢高燥每旱播而不獲堯慨然曰吾聞人力補天誠得上游地瀦水以時蓄洩卽旱宜不能災因出已田在北野之上者并交易他田以成之計得三千八百畝鑿爲湖以資灌溉七里民田自是有秋鄉人世食其德有司上其事祀之於鄉賢元

于悠東山人至正十九年四方饑饉餓殍相望悠罄廩儲

連江縣志

卷之七

人物 鄉行

三

作粥以賑待食者日衆不可給則出金鬻於人以繼之所全活無數而悠遂以是傾其家

明

趙用邑諸生從董應舉遊講經授徒嘗捐貲修 文廟祭

器當事旌之又置義田以贍貧寒造南陽閘以備瀦洩歲饑出廩粟煮粥活餓者鄉人德之

李堯卿先爲定遠人其曾祖李忠洪武初以從戎有功補北京義勇衛中所千戶予世券永樂間調定海所守禦時有寇百餘盤踞海岸數淫掠爲患忠於除夕率本部軍由

間道出其不意盡殲之沿海獲安堯卿篤學爲諸生著詩名龍山集然素俠烈嘉靖末倭躡連界堯卿憤之捐家貲募壯士與戰俘其渠十餘人獻之軍門撫按交旌謝弗受列其事於朝上以慕義觀化褒之

陳模字君則號戴東父素好客模先意承志延致之母歿後侍寢不離終父之世家素封以好賑濟漸落族人欲拓祠地以三十金鬻其園模笑曰吾卽貧不能助祠而受園直乎嘉靖末倭躡海上模憤甚復散餘財結死士以殺賊賊踞東嶽廟瞰城中模發一矢中之賊毀祠而去又逐倭於福清牛田獲其悍馬馳歸倭駭追之不及

國朝

吳維墀字以兼號思齋戶部郎承烈仲子官保文華孫也弱冠補弟子員入太學例授承德郎素慷慨負奇氣順治

戊子海寇鄭彩陷縣

事見寇變

墀殉焉先是方告警墀卽有禦

賊自奮意其妻鄭氏恐相失扭衣襟累日夜守之寇至卒倉皇失去不知所之六月初六日賊平家人徧踪跡之越七日得所躡雙朱履於通濟橋齒卽以履復之以歸

王治觀字行省邑庠生家初饒而性好施與順治丙申海

連江縣志

卷之七

人物 鄉行

四

寇陷岱堡盡屠居民積骸相指在時治觀業已中落慨然以掩埋爲己任營造義墳凡十餘所分瘞之一夜聞叩門聲出視無有嘆曰是必有不盡得所者吾之過也罄鬻餘產搜巖谷間盡爲之墳而藏焉不數年捉衿露肘見者爲之嗟憫治觀處之怡然也

陳尙賓字碩衡生而秀偉早喪父依其嫡兄恭從勸勉逾冠遊庠旣受室遂聽分異隨其所授未嘗計腴瘠生平不減吾人而好行其德往往有負券而不責償者遇狂諄必自反而不與較其寬厚類如此所居近市四隣不誠而俱

連江縣志

卷之七

人物 鄉行

四十五

燼者屢矣賓宅無高墉自衛迺巋然獨存人以爲積厚之報云

章廷烈字品揚士林中長德也爲人不輕顰笑不談時事不履公庭方領矩步出入於黨塾絃誦之間先後遊其門者數百人多發名成業者邑侯漆訪於學博士聘主紫陽書院講席行誼益著聞雖衙胥市僧聞品揚先生名亦敬憚之

王洪任字志亨庠序中長者也家素封而性謙約衣冠樸鄙有類單寒然勇於從義又好行其德邑有公旬興作任

無役不從婚姻戚懿朋舊知交緩急有告慮無不應下至鄉毗村媪有以已事入城府者過洪任門無不備也無不餒也以此誦義於隣里鄉黨之間故老猶能述之乾隆三年邑侯戚敬言嘗以敦行不怠旌其門旣卒踵門來吊者如市

徐芳枝字克淳白沙人性安恬退凡事務以餘地讓人家饒中人產未聞以蝸爭雀角涉足公庭一聞開徵必先時輸納追逋者亦不至其室年二十八鰥不再娶謂其子曰吾方成童連喪父母免喪而婚今有子三爲嗣爲養皆無

連江縣志

卷之七

人物 鄉行

四六

求矣且爾母婦德他無奇能但見吾每遇忌日媿辰雖百里外不避風雨而歸含哀出涕彼有所感亦竭誠盡慎品味苾芬或者吾父母不吐萬一再醮非人滋貽先人戚也生平與人交財不矜纖巧不占便宜雖負販流隸無失歡者晚籍於成均死之日鄉里稱善人

論曰周制教萬民以三物先德次行次藝行者孝友嫻睦任卹之謂也而其時取士德行則書賢藝則書能皆獻於王而拜受焉然賓賢與能殊科而所重可識矣漢初去古未遠孝弟力田由此其選也故其時以匹夫而行義於鄉

者往往而有降而下趨末流寢失欲矯其弊而救正之非
二三修士而誰屬哉夫庸言庸行事易而難果其篤倫常
敦氣誼於古當在賢科卽未兼六藝可不謂質而彌文者
耶錄美揚徽無俾泯沒當亦有心崇獎者所必及也而故
家遺俗相漸而善觀斯篇者可以慨然興矣

連江縣志

卷之七

人物 鄉行

四七

大年

明

陳子達字兼夫隱居玉泉自號泉山洪武二十三年由老人授廉州倉大使宅心嚴正會計有方以老致仕永樂二十年召致先朝老臣至京錄用達授邑丞乞歸詔賜冠帶宴賞朝士榮之

黃鳴鶴字天顯伏沙人嘉靖十二年貢任江西豐城教諭至萬曆間壽百歲適閩按察使吳興徐中行糧驛道南豐李廷觀皆鳴鶴司鐸其地時所培植士為之請旌於朝徐

連江縣志

卷之七

人物 大年

四

為捐俸建坊曰百歲耆儒弁置膳田以報而為文記焉

事詳

叢談

國朝

吳必造兄弟二十六都奇達人也當康熙時飲和食德上應 享國長久之祥誕生同母六人皆麗眉皓首出則業漁入則治圃怡怡式好團聚恍若繪圖其尤奇者齊眉偕老厥配亦咸躋長年庚子辛丑之間有司具報郡守韓判其牒云昆弟六人俱年登耄耋則其一門良善可知仰縣給匾褒旌昔邑侯王孚旌之曰六皓同懷

按吳必造年八十九妻楊氏年

七十五其弟必欽年八十六妻陳氏年八十二必取年七十七妻劉氏年八十四必衍年七十八妻葉氏年七十二必旌年九十妻倪氏年八十四必御年八十二妻楊氏年九十三綜而計之得九百九十二歲云

林爾侗字同人保安里人少習儒業素謹厚康熙間知縣盧瑀稱其淳仁足式雍正時壽百有一歲卒其婦年亦差相若

林名竹官塢人力田奉親公庭不履乾隆五年壽百有三歲題

賜綺金表日昇平人瑞

黃氏林兆京妻乾隆五年壽至百有五歲表云貞壽給綺

連江縣志

卷之七

人物 大年

四十九

幣白金以示優異

張惟開毗毗墩人乾隆己酉開年九十歲妻方氏年如之時恭遇

高宗八旬萬壽慶典鄉族呈縣詳請題 旌牒云張某持

躬以慎處衆能和齒近期頤身猶康健男耕女織計口不下百人夫唱婦隨齊眉已經五代洵 昇平之人物爲閭

里之休徵巡撫浦霖爲之題請 旌日瑞應重熙壬子開

夫婦同年卒年俱九十三

孫氏教授發曾胞妹封君吳樹稷妻給諫鵬南母也素嫺

內教封君嚴於課子氏力贊之乾隆壬戌鵬南成進士膺館選越甲子樹稷領鄉薦仲子應昇季子志颺與焉衆皆榮之氏謙約如初性仁慈有禮遇子孫婦聲息煦如雖青衣侍婢未嘗叱嗟厥後惟應昇侍養氏年已逾八旬矣應昇旣令建德遠以終養乞歸母子歡聚又十有三年壽躋百齡時宰連者毛公昇鵬南典試浙江所得士也率搢紳爲氏舉觴氏冠披輕鞞抱五代孫出北向稽首應昇鞠脰掖焉以是冬考終

陳氏幕浦人庠生陳暉之女也自幼喜吉祥好語其父異

連江縣志

卷之七

人物 大年

五

之誓必覓快壻徧擇有年得名諸生孫邁許焉於是氏已二十七歲矣孫貧難具聘越三年竟殺禮迎歸姑姊妹之已嫁而席溫飽者皆會送或恤之或謔之謂阿爹誓覓快壻今遲歸矣謂快壻何雖然苟有長巾倚腹榻則抗之可也意謂窮措大必餓死其妻耳未幾邁以乾隆丁巳成進士歷宰江右氏皆隨焉及謝官歷掌芝山丹霞書院教食用有餘無傷氏衣祿也庚寅辛卯子鍾源鍾鼇以次雋源歷永定鳳山諭祿養有年逾九旬源先逝而鼇又宰博興矣方行氏作吉祥語慰之鼇果在任二年爲氏請封營葬

壽九十六歿惜不令姑姊妹見之

盧氏厦宮墩陳上啓妻初極貧以勤儉善持家家由氏以裕且能以義訓子孫乾隆乙卯春杪穀價騰踊氏出私積販薯米蓄之交夏大饑石米直三千五百文氏日積而不散必奪罄其所蓄招族隣貫之約以早稻報稔取母錢以償饑親德焉頃之火發自隣家諸所貸薯米者爭奔救之氏宅賴以安嘉慶庚申猶及見其孫捷春與鷹揚宴云甲子冬壽百齡卒夫此數人者非有金華玉簡之傳日習於導引之術也而皆誠樸長者所謂敦龐淳固之氣有所獨

連江縣志

卷之七

人物

大年

辛一

聚在物爲醴泉甘露在人爲大耋期頤皆其協休徵應隆運者也然自三代以下人少百歲其顯載之史冊者漢張蒼唐裴知古宋李元奭而已顧或以士大夫外田野之老隱而不能盡識也然則絳縣自言甲子彼亦小人之待享者又何以稱焉杜甫以七十爲稀逾此而又一世宜乎不常覩者故壽至大耋期頤人皆稱瑞而

聖天子重熙累洽與四海共登仁壽之域方且沛金帛以寵之峩棹楔以崇之赫赫然與科名爵位同榮嗚呼是豈偶然哉

連江縣志卷之七

方技

百家象技小數也及夫造妙通微則藝也可進於道矣六法擅名遂稱經史三品考業亦別聖賢他若華陀管輅之徒載諸志傳頗異其術成而下者時有可觀不惟用適厥情或亦少效於世君子宜無深鄙焉連前賢多兼通藝事者而考其自立反為所掩若挾術自鳴昭灼耳目亦藉以表見之一端志方技

明鄭昭甫號雲居山人善畫洪武間徵入京識者謂其筆

連江縣志

卷之七

人物 方技

五二

墨通神不亞吳道子著有畫原一卷

朱侑工繪事永樂間徵至京師寓居不返正德間進士朱

冕其後也官河南副使

陳以龍字虛吾邑庠生善草書篆隸兼通丹青蒲萄尤入

神品郡守阮某課士以龍為所拔因濡染為風晴雨露四

圖以進阮加嘆賞嘗為之序有虛吾蒲萄子昂馬畫駿有

聲樹有影之句

孫文銓有陳虛吾便面詩云絕無烟火氣知爾飽烟霞浩浩流三峽遙遙向九華詩

中全是畫寫處自成家亦有滄波興乘秋欲問槎

吳維翰字鐵髯武昌參軍承宗季子也能詩善畫人物花

烏靡不精絕中歲薙染栖宿雪溪後遊吳越齊魯海內貴其尺幅一時名流咸推重焉

國朝吳江字汝兼以善奕名自爲童子卽擅通神無與對者長遨遊天下所至稱國手名公巨卿爭欲致之性狷介不輕受無名之贈老益困乏僑居三山四壁蕭然惟紋楸數具而已

林能字孔賢精醫術脈能預知數年後生死嘗曰岐黃之妙後世鮮聞若王叔和劉河間輩惟師其意勿泥其方可也郡有婦人患胎病羣醫莫效能至詢婦人所食必有連江縣志

異主人曰食鷓鴣耳能日夏氣方盛鷓鴣食半夏必半夏毒也攻之立愈

卷之七

人物

方技

五十三

章鼎字子台邑諸生因族姓於連籍從無領解者聞贛州人多善青鳥術往師事焉數年盡得其秘歸卜築松嶺又營三世墳子姓始登科第間爲親友擇善地無不奇驗謝以金不受人多稱之

鄭增邑明經范承謨開府於閩延入幕相得甚歡字學黃庭經得其筆法又善詩題鄭霄秋江浦圖云萬竹隔江澣洞天幽且深曲浦縈其際夾岸垂綠陰吾叔高棲隱曠然

滌煩襟亭宇無丹雘俗塵自不侵繪圖寄清賞世事任浮
沉小阮有夙願扁舟循竹林或釣江干鯉或鳴石上琴了
難愜所期因以到而今追隨東山屐乃嘆獲我心何當一
布帆來往恣幽尋相從几席間坐對復行吟舉觴每共醉
浩嘆樂知音通體隱約可誦

俞聖時書瘦勁善楷法草亦有晉人風味

陳萬淇字慶淮善繪事尤工山水潑墨皴染得巨然筆意
老愈工舊志繪圖皆出其手

連江縣志

卷之七

人物

方技

晉

連江縣志卷之七

藝文

昔叔孫子之論不朽也曰立德立言立功德之與功尚已
原言之用匪屬虛車惟德與功義於斯備夫約儒先之旨
導仁義之原如涵粹精張皇幽渺言非德乎論事而源流
畢貫陳義而勸戒俱昭彝鼎可存著龜不易言非功乎考
古今魁碩未有不以言顯者也連在海表數百年來有文
教之淑後先述作間亦斐然試為因文徵獻則往軌未湮
微言尚在至於詩賦一途非關道要然亦綜述性靈敷寫
氣象大雅之君子不廢焉志藝文

連江縣志

卷之七

藝文

一

宋

李 撰廣孟子說

養氣論

郡志作三篇

孟子講義十四卷

史論贊五卷

毛詩訓解十二卷

郡志作二十卷

文集十四卷

郡志作五十卷

李彌遜奏議三卷

外制二卷

議古三卷

筠溪集二

十四卷

宋史作詩十卷

李彌大御史臺彈奏一卷

周希孟易義一卷

詩義十卷

春秋義十卷

雜文二

卷

陳舜申易鑑二卷

渾灝發旨三卷

學庸集解二卷

論語集解十卷

孟子集解七卷

四書解義二十卷

兵書訂解二卷

南唐餘事一卷

審是集

高齋

文集

陳德豫訥齋文集三十卷

陳德一諸子總解一百卷

易經發微三卷

橫舟集十

卷

按德一號橫舟郡志作陳舜申誤

陳調一南唐遺事詩 卷

連江縣志

卷之七

藝文

二

李 琪春秋王霸世紀二十二卷

黃 鼇文集六卷

鄭思肖大無工十空經一卷

釋氏施食心法一卷 太

極祭煉一卷

繆餘集一卷

文集一卷

自叙一百

二十圖詩一卷

錦錢集三卷

鐵函經一卷

林元亮萬碧亭記一卷

玉華洞寶巖吟一卷

雲溪集

卷

元

陳成巳諸子異同

西坡集十卷

明

阮 嗣春秋四傳要講 方山餘集六卷

鄭昭甫畫原一卷

趙 雍雲莊集 卷 雜揚紀政錄

趙 恢國史拾遺八卷 釐正集六卷

張子初嘯餘集

游 璉平黎集 東行稿 卷 南行稿 卷

王德溢十竹漫稿四卷 陳第序 息鞅錄

李 滂五音韻類 卷 竹溪集一卷 塾訓一卷

連江縣志

卷之七

藝文

三

李士文易明心二卷 學庸正義二卷

林 金愛山堂集 卷 四凶編

陳 址易經摘解 卷 陳 担址 合刻春草集四卷

李堯卿龍山集

陳秉謨易經總會 卷

吳文華督撫奏議六卷 留都奏議二卷 濟美堂集四

卷 讀史隨筆十卷

陳 第伏羲圖贊二卷 毛詩古音考四卷 屈宋古音

義三卷

尚書疏衍四卷

以上皆金陵焦竑序

五嶽遊草七卷

自序

松軒講義

謬言

自序

寄心集六卷

自序

書札燼存

自序

薊門

兵事

防海事宜

東番記

塞曲

錢牧齋八列朝詩集

兩粵遊

草

宛陵沈有容序

詞賦漫題

麟經直指

孫文銓海濱詩集二卷

趙九鼎愛陶集三卷

陳元登謔編十二卷

舊志作譏

詩文集十四卷

張利民序

漁村文集

張利民序

籠鸚集八卷

茶譜一卷

謹言

廣伐山集四

卷

涉紀古文選四卷

海錯圖贊一卷

薛銘序

黃士舉軸圍詩文集一卷

四書衷解

卷

連江縣志

卷之七

藝文

四

陳志遴白鶴詩草一卷

陳元鍾序

國朝

吳孔綺寄餘草六卷

偶錄三十卷

明史約六卷

鹿

園花品譜一卷

連江縣志十六卷

陳彥鵬韻草

卷

樵史

卷

陳鶴鳴華臺草

周源長夢柳齋集四卷

陳元鍾春秋戰國史記

卷

易問述一卷

環海志一

卷

編輯閩中唐宋元明詩文

卷

會山樓詩集一

卷

吳牛岡序

游時祺史遺

鳳城烈女志二卷

陳潤四書解二十卷

詩解辨疑四卷

春秋解辨疑

四卷

經史子辨疑六卷

連江邑志二十九卷

矜

秋亭詩文十六卷

鄭霄連江邑志十六卷

木岡叶史

卷

燕石緘詩

集二卷

彭定求序

燕石緘文集三卷

邱榮豸錦江集

篠壩人

陳堯若又存集

連江縣志

卷之七

藝文

五

孫壩柳園詩文集

邑人陳元登何其偉序

陳懋怡心集古文選十卷

孫發曾左氏家談十八卷

藥源詩草

卷

藥源文集

卷

孫澄社蘭詩草二卷

林鴻紹德堂詩二卷

鄭宗堯易經要義

卷

禮記選常

卷

春秋摘要

卷

詩書精解

卷

陳材梅園集四卷

尚書大義擬告

卷

詩經大義

擬告 卷 讀書劄言二卷 保治編一卷 淘草 詩草

孫拱極戴記粹言二卷 東井講義二卷

吳鵬南習靜軒詩文集 卷

吳元龍道樞經二卷 存書一卷

吳志縉滄陽唱和二卷 漱川宦稿一卷 滇南遊草二

卷

孫 讓松窻偶寄一卷 紀遊草二卷

陳暉烈連江續志一卷 邑諸生

連江縣志 **卷之七** 藝文

六

梅丞度留媿集二卷 邑諸生

黃光濤定海志三卷

